

Dritte Kriegs- vnd Bußpredigt.

Es macht selig / 1. Timoth. 4. 16. Er wird die Wort sagen / dadurch du vnd dein Haus selig werdest / Geschicht. 11. 14. Wer nun wil selig werden / der muß dieß Wort hören. O der seltsamen Gnad! Mensch / was bistu ohn diese Gnad? Was hastu ohn diese Gnad? Was kanstu ohn diese Gnad? Wann dann nun einer so vermessen / daß er diesen seltsamen Schatz verachtet / vnd ihn für ein Spott helt / wer wolte Gott verdenecken / daß er vber solche Verächter vnd Spötter sein Zorn nicht außgießen solte / vnd an ihnen wahr machen / was er hie durch den Mund Jeremia sagt: Schütze aus / schütze aus / beydes vber die Kinder auff der Gassen / vnd vber die Mannschafft im Rath / 2c.

Damit wir auch dieß Wort fleißig hören / lesen vnd betrachten: So hat er vns hiezu alle Wochen ein besondern Tag verordnet / daran wir / vnser Weib / Kinder / Gesind vnd Viehe / von aller Handarbeit vnd Geschäften feyren vnd ruhen / 2. Mos. 23. 12. vnd selbigen mit Lesen / Predigen vnd Anhörung Gottes Wortes / Luc. 4. 16. Geschicht. 13. 12. mit Aufspendung der Sacramenten / Geschicht. 20. 7. 1. Cor. 11. 33. mit beten / loben / danken / 1. Cor. 14. heilig halten sollen / vnd solchem mit allem Ernst nachzufolgen geboten. Bedenck / sihe zu / was du thust / daß du den Sabbath heilige / 2. Mos. 20. 8. so gar / daß man auch kein Last am selbigen durchs Thor tragen solle / Jerem. 17. 24. Wann man das thut / O das gefelt Gott wol! Hat auch darzu sein Gnad vnd Segen versprochen / 2. Mos. 20. Jerem. 17. 25. 3. Mos. 26. 2. 3. Esa. 56. 5 vnd 58. 14. Psal. 1. 1.

Im gegenheil hat er denen sein Zorn vnd Fluch gedreuet / so sein Wort verachten / dasselbig nicht hören / darvor ihre Ohren verstopffen / oder da sie es hören / es für ein Spott halten / oder ausspuffen / als wanns Martin vnd Marrenpoffen waren / vnd nichts darnach thun / Ezech. 33. 31. der Prediger nicht achten. Gebeut hin / gebeut her / Gebeut hin / gebeut her / Harre hie / harre da / Harre hie / harre da / Nie ein wenig / da ein wenig / Esa. 28. 10. Ihrer spotten vnd sie äffen / 2. Chron. 35. 16. die Zung gegen ihnen heraus recken / Esa. 57. 4. Sie ausspuffen / Ezech. 33. 31. Sie vbel schelten / schrecken vnd verflagen / Jerem. 20. 10. Sie mit den Zungen tödten / Jerem. 18. 18. Sie ins Loch stecken / Jerem. 38. 6. Sie verbannen / geißeln / vnd gar erwürgen / Marth. 22. 6. vnd 23. 34. den Sabbath mit Fressen / Sauffen / allerley Vnzucht entheiligen / 2c. oder Gottesdienst daran pflegen / der nicht zu sagen ist / vnd würige Fresserey nach vngewöhnlicher weise halten / Weisb. 14. 23. O das ist ein schwere / schwere Sünd / ein mechtige starcke Landsünde! Drum so kan Gott nicht vorüber / kan nicht lang inhalten / muß sein Zorn vber Jung vnd Alt / Rath vnd Bürger / Mann vnd Weib 2c. außschütten / wie er dann gedreuet. Mein Gott wird sie verwerffen / darumb daß sie nicht hören wollen / Hos. 9. 17. Sie

Feyer tag / dar
an Gottes
Wort zu hö
ren.

Segen des
Herrn.

Fluch vnd
Straff denen
die den Feyer
tag nicht beil
gen / die Pre
diger verach
ten.

043

041

047

037

052

032

092

Ende

Anfang